

KOMMUNIKAMMA 28 FEBRUARIE 2021



Kontakpersone, indien u meer inligting nodig het oor een van die sake wat hier verskyn:

U blokouderling of -diaken

Niekie Oosthuizen: 082 561 8747; kerkkantoor@ngkraggakamma.co.za

Dr Deon Els: 072 276 7555; els_deon@yahoo.com

Ds MG van Rooyen: 041-3600665; 083 413 7100; mgvanrooyen@telkomsa.net

TEKS van die WEEK.

1 Korintiërs 10: 13.

"Onthou, die versoekings wat oor julle pad kom, is nie uniek nie; ander ondervind dit ook. God is getrou, Hy sal keer dat die versoeking te sterk word. Midde-in die versoeking sal Hy vir 'n uitweg sorg sodat julle kan volhou." (NLV)

SAKE vir GEBED:

- Ons geniet vandag Nagmaal en dank God vir Sy seun, Jesus, wat Hy aan ons gestuur het.
- Die water situasie is baie ernstig in ons stad. Baie boere kry bitter swaar. Die aarde smag na water en net God kan reën, uit genade, skenk.
- Bid dat die toediening van die entstof teen Covid-19 glad sal verloop.
- Dankie aan die gesondheidswerkers wat nog altyd getrou net hul beste aan alle pasiënte lewer.
- Dankie vir toegewyde matrieks, ouers en onderwysers vir die uitslae van die klas van 2020.
- Ons dink in besonder aan almal wat verliese gedurende die pandemie gelei het.
- Dat God ons geestelike leiers sal geloof en wysheid gee gedurende hierdie uitdagende tyd.
- Vir ons burgermeester en die plaaslike regering. Bid dat hulle nie moedeloos sal word nie en dat hulle opregtheid en integriteit aan die dag sal lê.
- Dink ook aan ons president. Mag God hom seën.
- Die beroepingsproses. Ons glo dat God teenwoordig sal wees.
- Ons dink aan Deon en sy gesin wat ook 'n vreemde tyd beleef.
- Almal wat met nie-kontak sportoefening begin. Ons glo dat dit die begin van normaliteit sal wees.
- Ons meegevoel aan Noeline en Arno Pieterse en familie met die heengaan van Noelene se pa.
- Gaynor Swanepoel sterk tuis aan na 'n operasie.
- Josh Brynard, 'n jong seun, het 'n hartoperasie ondergaan.
- 'n Pragtige deel is vir elkeen van ons afgemeet. Dank die Here daarvoor.

There4-bedieninge se gebedsversoek vir die week:

Bid saam vir Christene in **Eritrea** wat onder haglike omstandighede in tronke vir hulle geloof aangehou word. Bid ook vir hulle familieledede.

EREDIENSTE IN DIE KERKGEBOU

Die hou van eredienste is onderhewig aan al die Covid regulasies. Maskers moet gedra en 'n veilige afstand gehandhaaf word. Vir jou koors wat gemeet sal word en vir die saniteer van hande, het ons alles in plek. Onder die regulasies van vlak 3 mag daar slegs 50 persone per erediens in die kerkgebou wees.

Indien jy 'n erediens wil bywoon, kan jy die volgende skakel gebruik om die aanlyn vorm te voltooi.

<https://forms.gle/p7mpVSBnHeYdRYuZ8>. Ons versoek dat jy die vorm voor Vrydag 12:00 sal voltooi. Met Nagmaal eerskomende sondaag hou ons 2 dienste. Daar is nog net plek by die 10:00 Klassieke diens.

Jou bespreking verseker jou van 'n plek in die erediens. *Ons gaan ongelukkig persone wat nie bespreek het nie, moet weg wys indien ons die maksimum van 50 persone bereik het.*

Ons versoek hoë risiko persone om nie die dienste in die kerkgebou by te woon nie. Indien jy enige griepsimptome toon, bly asb ter wille van jou eie en ander se veiligheid by die huis.

Digitale dienste het gekom om te bly en sal, soos altyd, beskikbaar gestel word.

PROGRAM VIR DIE WEEK:

Sondag 28 Februarie Tweede Lydensweek

08:30 NAGMAAL – Eietyds (<https://youtu.be/9IzvN1Sc-sl>)

Skakel gerus op Youtube kanaal in as jy die lewendige uitsendings wil volg. Die video sal gestoor word op Youtube, sodat jy ook op jou eie tyd daarna kan gaan kyk.

Die huisgeloof, 'n gesprek riglyn rondom die tema van die erediens, is op die gemeente se webwerf beskikbaar.

10:00 NAGMAAL - Klassiek

Maandag 1 Maart

09:30 Nagmaal KKV

12: 45 GEMEENTEBIDUUR

Ons hou Maandae 'n gebedsgeleentheid in die konsistorie, maar ook via Zoom. Almal is welkom. Kontak Niekie indien jy wil saam bid of 'n gebedsversoek het.

Dinsdag 2 Maart

10:00 en 11:00 Nagmaal Stella Londt

Voedselhulp aan PE-Noord

Ons help weekliks ongeveer 30 gesinne met kospakkies en ander benodighede. **Kontant donasies kan in ons kerk se bankrekening gemaak word. Ons het nog net genoeg kontant om 1 of 2 keer kos te koop. Merk dit asb. duidelik vir PE Noord.**

Skenkings kan hierdie week op Dinsdag by Willie en Gaynor Swanepoel (Abeliasingel 23) afgelaai word. U kan meer inligting op ons webblad kry of vir Sonja Spies (084 516 4925) kontak.

Woensdag 3 Maart

KERKKANTOOR

Die kerkkantoor sal elke Woensdag van 08:00 tot 12:00 oop wees. Maak 'n afspraak by Niekie indien jy kerkkantoor toe wil kom. **Geen persoon sal sonder 'n masker toegelaat word nie.** Volg asb die regulasies.

Vrydag 5 Maart

05:00 MANNEGROEP – Wêreldbiddag vir Mans

Die mannegroepbyeenkoms vergader by Frans Stapelberg, Carnationlaan 15. Indien jy wil deel word, kontak vir ds. MG vir meer besonderhede.

05:45 Wêreldbiddag vir Vrouens

Ons ontmoet mekaar langs die gedenkmuur onder die bome, agter die kerk.

Kom bid saam.

Ons juig saam met vroue regoor die wêreld en getuig dat Jesus ons rots is.

Die pad vorentoe.

Op 'n kerkraadsvergadering, gehou op Woensdag 3 Februarie, is die volgende sake bespreek:

Dr Deon Els het die beroep na Helderberg Gemeente in Somerset-Wes aanvaar en sal op 1 April 2021 daar diens aanvaar. Sy afskeidspraak is op Sondag 14 Maart 2021. Hierdie erediens sal, volgens regulasies, in die kerkgebou gehou word en lewend uitgesaai word.

Indien u 'n dankie sê kontant donasie aan die Els gesin wil maak, kan u dit by die kerk se rekening inbetaal. Toon asb net duidelik aan dat vir die Els familie bedoel is. Jy/julle kan ook 'n kort videoboodskap vir hulle aan Niekie stuur voor 10 Maart. Sy sal alles bymekaarsit vir een video.

'n Medeleraar is nodig vir Kraggakamma Gemeente. Die bedieningsbehoefte en -uitdagings is groot en ons finansies laat dit toe. Ons moet bid vir die proses. Die advertensie verskyn reeds elektronies by die Kerkbode. Kyk asb na die proviel en as jy 'n predikant wil voorstel, kontak met Niekie by die kerkkantoor.

Die nut van die huidige pastorie, asook herstelwerk wat gedoen moet word, moet ondersoek word. Die moontlikheid om die pastorie te verkoop en eerder 'n subsidie te gee, sal verder ondersoek word.

Ds MG is bereid om alleen voort te gaan totdat die beroepingsproses, waarmee ons nou begin en wat binne 2-3 maande afgehandel kan wees, voltooi is.

MTR Smit Verjaarsdae

Liewe vriendin,

Sien jy dalk kans om een keer per jaar een van die 16 dogters by huis 8 van die MTR Smit kindershuis, se verjaarsdag onvergeetlik te maak?

Kontak asb Debah (082 933 2443) of Linda (082 402 4396) so gou as moontlik vir meer inligting. Saam kan ons 'n groot verskil maak!



BOURESERWEFONDS

Ons geboue is ook 'n getuigenis dat ons God se fontein van liefde is. Die kerk kompleks benodig groot opknappingswerk soos bv verf, facia's, oorhange, geute ens. Daar moet ook werk by die Gazanialaan gedoen word. Die totaal van die herstelwerk- en opknappingswerk beloop na raming baie naby aan 'n miljoen rand. Die werk sal oor 'n tydperk aangepak word soos fondse beskikbaar raak.

Ons boureserwefonds is uitgeput na die verbetering aan die kerkgebou.

Ons weet dit is moeilike tye vir baie van ons, maar as die Here vir u geseën het, oorweeg dit asb biddend of jy nie kan help om weer die fonds te versterk nie. Oorweeg dit asb ook om in jou erflating 'n paar rand aan die fonds na te laat.

VERJAARSDAE

Ons wens die volgende lidmate geluk met hulle verjaarsdae:

- | | |
|--------------|---|
| 28 Februarie | Hayley du Preez, Ronel Hamilton, Nina Kloppers, Dirk Kotze, Theo Noble, Susan Olivier en Gerry van Eeden |
| 1 Maart | Johan Blom en Janine Viljoen |
| 2 Maart | Ria Bezuidenhout en Fran Buchner |
| 3 Maart | Alessandra Esterhuyse, Sumari Pretorius, Leon Rheeder, Hermione Strydom, Juan-Claude Strydom, Altus van Heerden, Jan Pieter van Heerden, Stefan van Ryneveld en Ignatius Verwey |
| 4 Maart | Etienne Nel en Jansje Verwey |
| 5 Maart | Blanche Meiring, Dané Scheepers en Willy Wilson |
| 6 Maart | Christo Grobler, Lisa Grobler, Edna Rademeyer en Ané van der Mescht |



KATEGESE

Ons wil graag hierdie jaar vanaf Sondag 7 Maart voortgaan met kategeese vir ons kinders. Een sondag sal juniors (Graad 1-6) om 10:00 kategeese by die kerkkompleks hê en die volgende sondag die graad 7-11 jongmense. U kind se mentor sal met u kontak met die indeling van die ontmoetings van die jaar. Die Sondag waarop u kind nie by die kompleks is nie, versoek ons u om die ontmoeting met u kind te hanteer. As ouers roep die Here ons om die belangrikste mentors in ons kinders se lewens te wees. Dit Kategeese boeke sal by die eerste ontmoeting by die kerkgebou uitgedeel word. Vir meer inligting of hulp, kontak asb met u kind se kategeet. Die indeling en kontakbesonderhede van kategeete is op die gemeente se webblad beskikbaar. Gaan na diensterreine, maak Jeugbediening oop en daar verskyn ons jeugmentors en program vir 2021.

BYBELGENOOTSAP DEURSTAP VRUGTEMARK

Die Bybelgenootskap Vrughtemark vind plaas op 25-26 Maart van 08:00-18:00 en 27 Maart van 07:30-12:00 by die Bybelhuis, Cotswoldlaan 31. (Tel 041-3641138)

DANKOFFER

Die eerste 11 maande van ons finansiële jaar is verby en ons kon ons finansiële verantwoordelikhede nakom. Baie dankie vir elkeen se dankbaarheidsbydrae. Ons versoek u om steeds die Here met u finansiële offer van dankbaarheid te bly dien. Die dankoffers kan direk in die kerk se bankrekening of deur middel van Snapscan betaal word.

Die kerk se bankbesonderhede is:

NG Kraggakamma
Absa Tjekrek 1400590091
Takkode 632005

